

შპს „ბიზნესის და კონსალტინგის აკადემიის“
წესდება
(პარტნიორთა შეთანხმება)

მუხლი 1
ზოგადი დებულებები

- 1.1. შპს „ბიზნესის და კონსალტინგის აკადემია“ წარმოადგენს „მეწარმეთა შესახებ“ საქართველოს კანონის შესაბამისად შექმნილ იურიდიულ პირს.
- 1.2. სუბიექტი წარმოშობილად ითვლება მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან.
- 1.3. საწარმოს სახელწოდებაა: “ბიზნესის და კონსალტინგის აკადემია” („Business and Consulting Academy“).
- 1.4. “ბიზნესის და კონსალტინგის აკადემიის” (შემდგომში „აკადემიის“) სამართლებრივი ფორმაა: შეზღუდული პასუხისმგებლობის საზოგადოება.
- 1.5. „აკადემიის“ იურიდიული მისამართია: ქ. თბილისი, ბათუმის ქ. №18.
- 1.6. „აკადემიის“ ელექტრონული ფოსტის მისამართია: BCA@APU.GE
- 1.7. „აკადემიის“ პასუხისმგებლობა კრედიტორების წინაშე შემოიფარგლება მთელი მისი ქონებით.
- 1.8. „აკადემიის“ საქმიანობის საგანია:
 - 1.8.1. საგანმანათლებლო საქმიანობა და კონსალტინგური მომსახურება;
 - 1.8.2. საავტორიზაციო და სააკრედიტაციო დოკუმენტაციის მომზადება, ექსპერტიზა და უსდების კონსალტინგი;
 - 1.8.3. უცხოური კომპანიების მომსახურება, სატენდერო დოკუმენტაციის მომზადება და მათთვის კონსალტინგური სერვისის შეთავაზება;
 - 1.8.4. დისტანციური სწავლების განხორციელება;
 - 1.8.5. საგანმანათლებლო პროგრამების, ცალკეული სასწავლო კურსების მომზადება და რეალიზაცია;
 - 1.8.6. იუსტიციის უმაღლეს საბჭოში/სკოლაში ჩასაბარებელი გამოცდებისათვის მსურველების მომზადება;
 - 1.8.7. სამოსამართლო, საპროკურორო და საადვოკატო გამოცდებისთვის მსურველების მომზადება;
 - 1.8.8. ტრენინგების, სასერტიფიკატო კურსების, მასტერ-კლასების მომზადება და ჩატარება;
 - 1.8.9. შრომის ბაზრის კვლევა;
 - 1.8.10. სტუდენტებისა და პროფესორების საერთაშორისო აკადემიური მობილობის ხელშეწყობა;
 - 1.8.11. სარეკლამო-საინფორმაციო, სარედაქციო-საგამომცემლო საქმიანობა, სასწავლო მეთოდოლოგიური ლიტერატურის გამოცემა და გავრცელება;
 - 1.8.12. საგრანტო პროექტების ეფექტიანი გამოყენება და დონორთა დაინტერესება;
 - 1.8.13. დამსაქმებელთა მოთხოვნების გათვალისწინებით საუკეთესო კურსდამთავრებულთა ერთიანი საინფორმაციო ბაზის შექმნა;
 - 1.8.14. ინტერნაციონალიზაციისა და განათლების ექსპორტის ხელშეწყობი აქტივობების განხორციელება;
 - 1.8.15. კონკურსების, ოლიმპიადების მოწყობა;
 - 1.8.16. „აკადემიის“ პარტნიორი ორგანიზაციების ქსელის გაფართოება როგორც საქართველოში, ისე მის ფარგლებს გარეთ.

- 1.9. „აკადემიას“ უფლება აქვს მოგების მიღების მიზნით განახორციელოს კანონით აუქრძალავი ნებისმიერი საქმიანობა, მიუხედავად იმისა, არის თუ არა ეს საქმიანობა სადამფუძნებლო დოკუმენტებით გათვალისწინებული. ის საქმიანობა, რომელიც კანონმდებლობით შესაძლებელია მხოლოდ სპეციალური ლიცენზიის/ნებართვის საფუძველზე, დასაშვებია მხოლოდ შესაბამისი ლიცენზიის/ნებართვის მიღების მომენტიდან.

მუხლი 2

„აკადემიის“ დამფუძნებლები

- 2.1. „აკადემიის“ დამფუძნებელი პარტნიორები არიან:
- 2.1.1. დევი ხვედელიანი
- 2.1.2. ზაზა მარუაშვილი

მუხლი 3

„აკადემიის“ მართვა

- 3.1. „აკადემიას“ უმაღლეს მმართველობით ორგანოს წარმოადგენს პარტნიორთა კრება.
- 3.2. პარტნიორთა საერთო კრება ტარდება წელიწადში ერთხელ მაინც. „აკადემიის“ ყოველ პარტნიორს ან/და დირექტორს/რექტორს, შეუძლია ერთი კვირის ვადაში მოიწვიოს პარტნიორთა საერთო კრება ყველა პარტნიორისათვის დაზღვეული წერილის გაგზავნით ან კომუნიკაციის სხვა საშუალებით, რომელიც იძლევა ადრესატის მიერ ინფორმაციის მიღების დადასტურების საშუალებას. წერილი უნდა შეიცავდეს დღის წესრიგის პროექტს. მოწვევის მიღებიდან 3 დღის ვადაში პარტნიორებს შეუძლიათ დამატებათა შეტანა დღის წესრიგში.
- 3.3. კრება გადაწყვეტილებაუნარიანია, თუ მას ესწრება ხმების უმრავლესობის მქონე პარტნიორი (პარტნიორები). თუ კრება არ არის გადაწყვეტილებაუნარიანი, მაშინ კრების მომწვევს შეუძლია იმავე წესითა და იმავე დღის წესრიგით ხელახლა მოიწვიოს კრება. მეორე კრება გადაწყვეტილებაუნარიანია მაშინაც კი, თუ მასზე არ გამოცხადდება ხმების უმრავლესობის მქონე პარტნიორი (პარტნიორები).
- 3.4. პარტნიორთა კრების მონაწილენი კონსესუსით ირჩევენ თავმჯდომარეს. პარტნიორთა კრების გადაწყვეტილების მიღებისთანავე თავმჯდომარე ადგენს და ხელს აწერს კრების ოქმს.
- 3.5. თუ გადაწყვეტილება შეეხება საზოგადოებასა და ერთ-ერთ პარტნიორს შორის დავას, მაშინ ამ პარტნიორს ხმის უფლება არა აქვს.
- 3.6. პარტნიორთა კრება იღებს გადაწყვეტილებებს შემდეგ საკითხებზე:
- ა) „აკადემიის“ პროფილის და სამეურნეო საქმიანობის დაწყება და მათი შეწყვეტა;
- ბ) „აკადემიის“ სარეგისტრაციო განცხადების მონაცემებსა და წესდებაში ცვლილებების მიღება;
- გ) ფილიალების შექმნა და ლიკვიდაცია;
- დ) ინვესტიციების შესახებ, რომელთა ღირებულება ცალკე ან მთლიანად ერთ სამეურნეო წელიწადში აღემატება საზოგადოების აქტივების ღირებულების 50%-ს;
- ე) ვალდებულებათა აღება, რომლებიც ცალკე ან მთლიანად აღემატება საზოგადოების აქტივების ღირებულების 50%-ს;

ვ) ვალდებულებათა უზრუნველყოფა, რომლებიც არ მიეკუთვნებიან ჩვეულებრივ „აკადემიის“ საქმიანობას და რომელთა ღირებულება აღემატება საზოგადოების აქტივების ღირებულების 50%-ს;

ზ) პროკურის გაცემა და გაუქმება;

თ) წლიური შედეგების დამტკიცება;

ი) აუდიტორის არჩევა;

კ) „აკადემიის“ რეორგანიზაცია და ლიკვიდაცია.

ლ) ხელმძღვანელ პირთათვის მოგებასა და საერთო შემოსავალში მონაწილეობისა და პენსიის მიცემის პრინციპების განსაზღვრა;

მ) იმ დამატებითი უფლებების გამოყენება, რომლებიც „აკადემიის“ დაფუძნებიდან ან „აკადემიის“ მართვიდან გამომდინარე აქვს დირექტორის /რექტორის ან/და პარტნიორის მიმართ, ასევე საზოგადოების წარმომადგენლობა იმ პროცესებში, რომლებსაც იგი დირექტორის/რექტორის წინააღმდეგ წარმართავს;

ნ) შენატანების მოთხოვნა;

ო) დამატებითი შენატანების უკან დაბრუნება;

პ) დირექტორის/რექტორის დანიშვნა და გამოწვევა, მათთან ხელშეკრულებების დადება და შეწყვეტა, აგრეთვე მათი ანგარიშების დამტკიცება;

ჟ) სამეთვალყურეო საბჭოს შექმნის შესახებ გადაწყვეტილების მიღება;

რ) ახალი/დამატებითი შენატანების გზით საწარმოს კაპიტალის გაზრდის შესახებ გადაწყვეტილების მიღება.

3.7. ყველა გადაწყვეტილება, რომელთა მნიშვნელობა სცილდება „აკადემიის“ ჩვეულებრივ საქმიანობას, მოითხოვს ყველა პარტნიორის მონაწილეობით ჩატარებული კრების გადაწყვეტილებას.

3.8. კრების მოწვევა არ არის აუცილებელი, როცა ყველა პარტნიორი წერილობით დაეთანხმება განსახილველ საკითხს. წერილობითი თანხმობა კრების ოქმის ტოლფასია და ითვლება კრების გადაწყვეტილებად.

3.9. პარტნიორთა კრების გადაწყვეტილება მიიღება მონაწილეთა ხმების უმრავლესობით, თუ „მეწარმეთა შესახებ“ კანონით გათვალისწინებული არ არის გადაწყვეტილების ერთხმად მიღება და, თუ ამ გადაწყვეტილების შინაარსი არ ქმნის არათანაბარ მდგომარეობას რომელიმე პარტნიორისათვის ანდა არ ხელყოფს პარტნიორის არსებით ინტერესებს.

3.10. პარტნიორთა საერთო კრებაზე პარტნიორებს აქვთ მათი წილის პროპორციული ხმათა რაოდენობა.

3.11. პარტნიორთა კრების, გადაწყვეტილებათა გასაჩივრება შესაძლებელია შესაბამისი ოქმის შედგენიდან 2 (ორი) თვის ვადაში, ხოლო თუ კრება (სხდომა) მოწვეულ იქნა ან ჩატარდა კანონის ან წესდების ნორმათა უხეში დარღვევით, ამ შემთხვევაში გასაჩივრება დასაშვებია ერთი წლის ვადაში.

მუხლი 4

„აკადემიის“ ხელმძღვანელობა/წარმომადგენლობა

- 4.1. „აკადემიის“ ხელმძღვანელობისა და წარმომადგენლობის უფლება აქვს დირექტორს/რექტორს.
- 4.2. „ბიზნესის და კონსალტინგის აკადემიის“ ხელმძღვანელობისა და წარმომადგენლობის უფლება აკადემიის დირექტორის/რექტორის სტატუსით ენიჭება დევი ხვედელიანს.
- 4.3. დირექტორი/რექტორი უფლებამოსილია იმოქმედოს „აკადემიის“ სახელით და წარმოადგინოს საზოგადოება მესამე პირებთან ურთიერთობაში.
- 4.4. დირექტორი/რექტორი „აკადემიის“ საქმეებს უნდა გაუძღვეს კეთილსინდისიერად, ის უნდა მოქმედებდეს იმ რწმენით, რომ ეს მოქმედება ყველაზე ხელსაყრელია საზოგადოებისათვის. თუ ის ჯეროვნად არ შეასრულებს აღნიშნულ მოვალეობას, პასუხს აგებს „აკადემიის“ წინაშე წარმოშობილი ზიანისთვის პირადად, მთელი თავისი ქონებით, პირდაპირ და უშუალოდ.
- 4.5. დირექტორის/რექტორის ხელმძღვანელობის უფლება გულისხმობს უფლებამოსილების ფარგლებში „აკადემიის“ სახელით გადაწყვეტილებების მიღების უფლებას.
- 4.6. დირექტორის/რექტორის ხელმძღვანელობითი და წარმომადგენლობითი უფლებამოსილება შესაძლებელია შეიზღუდოს მხოლოდ პარტნიორთა საერთო კრების გადაწყვეტილებით.
- 4.7. ხელმძღვანელობითი უფლებამოსილების მქონე პირებს არა აქვთ უფლება, პარტნიორების თანხმობის გარეშე განახორციელონ იგივე საქმიანობა, რომელსაც ეწევა საზოგადოება, ან მონაწილეობა მიიღონ მსგავსი ტიპის სხვა საზოგადოებაში როგორც პერსონალურად პასუხისმგებელმა პარტნიორმა ან დირექტორმა.
- 4.8. „აკადემიის“ სარეგისტრაციო მონაცემების ცვლილების რეგისტრაციის უზრუნველყოფის ვალდებულება ეკისრება დირექტორს/რექტორს. ეს ვალდებულება არ ზღუდავს პარტნიორის (პარტნიორების) და სამეთვალყურეო საბჭოს წევრების ან სხვა დაინტერესებული პირების უფლებამოსილებას, უზრუნველყონ ცვლილების რეგისტრაცია.

მუხლი 5

პარტნიორის უფლებები და მოვალეობები

- 3.1. „აკადემიის“ პარტნიორს გააჩნია შემდეგი უფლებები:
 - ა) მონაწილეობა მიიღოს „აკადემიის“ მართვაში;
 - ბ) კონტროლი გაუწიოს „აკადემიის“ ხელმძღვანელობას;
 - გ) „აკადემიის“ მოგებიდან მიიღოს კუთვნილი წილი საზოგადოების კაპიტალში საკუთარი წილის პროპორციულად;
 - დ) შეუძლია პირადად გაეცნოს „აკადემიის“ საქმეებს და ამ მიზნით „აკადემიის“ წიგნები და ჩანაწერები;
 - ე) მოსთხოვოს სხვა პარტნიორებს „აკადემიის“ მიმართ არსებულ ვალდებულებათა შესრულება და ამ შესრულების გამო საკუთარი სახელით წარადგინოს სარჩელი;
 - ვ) უპირატესი შესყიდვის უფლება „მეწარმეთა შესახებ“ საქართველოს კანონის 461 მუხლის შესაბამისად.

მუხლი 6
„აკადემიის“ ლიკვიდაცია/რეორგანიზაცია

- 6.1. „აკადემიის“ ლიკვიდაცია და რეორგანიზაცია შესაძლებელია პარტნიორთა საერთო კრების გადაწყვეტილების საფუძველზე.
- 6.2. „აკადემიის“ ლიკვიდაცია და რეორგანიზაცია ხორციელდება „მეწარმეთა შესახებ“ საქართველოს კანონით დაგენილი წესით.

მუხლი 7
დასკვნითი დებულებები

- 7.1. წინამდებარე წესდება (პარტნიორთა შეთანხმება) ძალაში შედის ყველა პარტნიორის მიერ ხელმოწერის მომენტიდან.
- 7.2. თუ ამ წესდების (პარტნიორთა შეთანხმების) რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.
- 7.3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.